



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Quando videmus aliquem infirmum. Exercitium 20

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

Quando videmus aliquem infirmum.

Exercit. 20.

Psalm. 6. Miserere mei Domine, quoniam infirmus sum.

Eccles. 7. Non te pigeat visitare infirmum: ex ijs enim in dilectione firmaberis.

Isai. 53. Vidimus eum Virum dolorem, & scientem infirmitatem.

Consideratio.

CONSIDERABIMUS: Infirmitates fructus esse peccati: quia si homo non peccasset, nullis ægrotudinibus subiectus foret: Expendemus præterea: Tisdem infirmitatibus Dominum nos instruere: quantum horreat omne peccatum: & quantò seuerius post mortem in illud animaduersurus sit, si in præsentì vita, quæ misericordiæ tempus est, tam seuerè illud punit.

Gratiarum actio.

GRATIAS AGEMUS Deo, pro sanitate quam nobis largitur: & pro clementia

mentia

mentia qua in nos homines utitur: quod in hac vita ægritudinibus varijs nos castiget, ut si eas patienter toleraverimus: per illas nos liberet, à supplicijs æternis, quæ peccata nostra pro meruerant.

Confusio.

ERubescemus, quod sanitate, quam Deus nobis concedit, tam male utamur: ideoque illa prorsus indigni sumus.

Petitio.

PRecabimur Deum, pro infirmitate proximi: ut ei largiatur corporis & animæ sanitatem: & quam diu infirmitate hac detinetur, in doloribus donet ei veram patientiam.

Oblatio.

Offerimus nos Deo, ad tolerandas quascunque per ipsum nobis immisissas ægritudines: tum illius amore, tum ad peccatorum nostrorum, quibus Deum offendimus, expiationem.